



REPUBLIKA E SHQIPËRISE  
MINISTRI I SHTETIT  
PËR DIASPORËN



United Nations  
Educational, Scientific and  
Cultural Organization

## MEMORANDUM MIRËKUPITIMI

*Midis*

**MINISTRIT TË SHTETIT PËR DIASPORËN**

*Dhe*

**FONDACIONI PËR POLITIKAT DIPLOMATIKE DHE KËRKIMIN  
SHKENCOR (DRPF), ORGANIZATA PËR EDUKIM, SHKENCË DHE  
KULTURË E KOMBEVE TË BASHKUARA (UNESCO)**

**PËR PJESËMARRJEN E TYRE NË KËRKIMIN SHKENCOR ARSIMOR &  
ZHVILLIMIN, ADVOKIMIN, TRAJNIMIN NË KUADRIN E UNIVERSITY  
MANDATE**

## **PREAMBUL**

Duke marrë parasysh gatishmërinë e palëve për të punuar në zgjerimin dhe më tej forcimin e marrëdhënieve midis palëve në lidhje me vlerat e arsimit cilësor, promovimit të kërkimit shkencor dhe zhvillimit, promovimit të gjuhës shqipe dhe të trashëgimisë kulturore shqiptare dhe në emër të solidaritetit;

Duke qenë të vetëdijshëm për interesat e tyre të ndërsjella të bashkëpunimit dhe mbështetjes reciproke;

Për të mbështetur bashkëpunimin ndër-rajonar dhe ndërkombëtar, në kuadër të procesit të integritit evropian duke pasur parasysh ekspertizën e UNESCO-s dhe fushën e përgjegjësisë së Ministrit të Shtetit për Diasporën, në përputhje me VKM nr. 510, datë 13.09.2017 “Për përcaktimin e fushës së përgjegjësisë shtetërore të Ministrit të Shtetit për Diasporën”

Në përputhje të plotë me legjislacionin në Republikën Shqipërisë si dhe me parashikimet e legjislacionit ndërkombëtar dhe detyrimet që lindin nga traktatet ndërkombëtare dhe të drejtës ndërkombëtare;

Ministri i Shtetit për Diasporën, z. Pandeli Majko dhe z. Jaagz Bajaj, përfaqësues i DRFD dhe ekspert i UNESCO-s i ngarkuar me punë special për Shqipërinë (këtëj e tutje “palët”) shprehin vullnetin si më poshtë vijon:

### **Neni 1**

#### ***Fondacioni Për Politikën Diplomatike Dhe Kërkimin Shkencor (DRPF)***

Palët marrin pjesë në Kuadër të Bashkëpunimit Arsimor dhe Kërkimor Shkencor me Mandat Universitar duke qenë subjekt i të drejtës ndërkombëtare me zotësi për të vepruar dhe të aftë për të përmbushur funksionet dhe detyrimet e tyre.

Me qëllim përmbushjen e qëllimeve të këtij memorandum, Ministri i Shtetit për Diasporën si anëtar Kuadrit për Bashkëpunim Arsimor dhe Kërkimor Shkencor me Mandat Universitar zotëron madat të plotë të zhvillojë kuadrin Arsimor dhe Kërkimor Shkencor.

## **Neni 2** **Objektivat**

Palët, brenda fushëveprimit të kompetencave të tyre përkatëse, sipas procedurave të përcaktuara në legjislacionin e palëve përkatëse, dhe në përputhje me detyrimet ndërkombëtare dhe komunitare, marrëdhëniet bilaterale dhe arsimore, do të organizojnë aktivitete sociale dhe kulturore, veprime të koordinuara për zbatimin e projekteve të partneritetit dhe shkëmbimit, brenda kornizës së politikave dhe programeve të UNESCO-s.

## **Neni 3** **Fusha e bashkëpunimit**

Palët angazhohen për zhvillimin e bashkëpunimit në sektorët e mëposhtëm:

### a) Kultura dhe Edukimi

- Vendosja e bashkëpunimit midis universiteteve dhe institucioneve kryesore kulturore të të dy palëve dhe krijimin e një programi të përbashkët për këtë qëllim. Sigurimi i një trajnimi të specializuar, kurse, zhvillimi i kurrikulës, funksionimi i orëve të rregullta në modalitetin e mësimin në distancë, module të certifikimit për kandidatët e partive pjesëmarrëse dhe publikun e gjerë, përfshirë dhënien e diplomës, gradave dhe titujve pasuniversitar të duhur, përfshirë gradën e doktoratës bazuar në standardet ndërkombëtare.
- Monitorimi dhe vlerësimi i arsimit cilësor dhe hulumtimit në përputhje me politikat e ndryshme të UNESCO-s për arsimin.
- Krijimi i një programi të zhvillimit të qëndrueshëm në arsim në gjuhën shqipe duke ndihmuar komunitetet shqiptare në mënyrë që të mbrojnë dhe promovojnë një gjuhë unike siç është shqipja dhe ta transmetojnë atë në gjeneratën e dytë dhe të tretë të shqiptarëve jashtë vendit.
- Formulimi dhe shpërndarja e politikave arsimore për rritjen gjithëpërfshirëse të qeverive pjesëmarrëse.
- Sigurimi i një trajnimi të specializuar dhe module certifikimi për kandidatët e partive pjesëmarrëse dhe publikun e gjerë, përfshirë dhënien e diplomës, gradave dhe titujve pasuniversitar të duhur.
- Të bashkëpunojë me Universitetet, OJQ-të, fondacionin e vendeve pjesëmarrëse me një objektiv të ngjashëm përmes bashkëpunimit në arsim.

- Bashkëpunimin dhe ndihmën në krijimin e Qendrave Kulturore Shqiptare në përputhje me dispozitat ligjore.

d) Ndiurma sociale dhe shëndetësore

- Inkurajimin dhe mbështetjen e shkëmbimit të teknologjisë në sektorin e shëndetësisë;
- Promovimin e bashkëpunimit midis sektorëve të kërkimit dhe shëndetit;
- Orientimi i iniciativave të bashkëpunimit drejt një logjike të sistemit të përbashkët dhe organizimit ose pjesëmarrjes në aktivitetet vjetore të organizuara nga palët;

e) Siguria dhe cilësia e produkteve ushqimore

- Promovimi i bashkëpunimit në fushat e kontrollit të cilësisë në zinxhirin ushqimor, me theks të veçantë në bujqësi dhe bagëti;
- Promovimi i bashkëpunimit midis qendrave të shërbimit dhe institucioneve kërkimore në këtë fushë;
- Inkurajimi i shkëmbimit të informacionit ndërmjet operatorëve në sektor;

## Neni 4

### *Mënyrat e bashkëpunimit*

Palët angazhohen të mbajnë kontakte të drejtpërdrejta dhe do të angazhohen për shkëmbimin e përfaqësuesve dhe zyrtarëve publik, të paktën një herë në vit, në mënyrë që të kontribuojnë në zbatimin e këtij Memorandumi i Mirëkuptimit, si dhe projekteve të hartuara bashkërisht.

Palët marrin përsipër të promovojnë marrëdhënie partneriteti midis institucioneve vendore dhe organizatave të tjera, ndërmarrjeve dhe personave të interesuar, si në format e mëposhtme:

- Shkëmbimin e informacionit dhe përvojave në interes të përbashkët të palëve kontraktuese;
- Takime, seminare, vizita studimore dhe punëtori për çështje me interes të përbashkët për palët;
- Pjesëmarrje në projekte të përbashkëta të financuara nga fondet evropiane;
- Promovimi i aktiviteteve në marrëdhëniet ndërkombëtare dhe në fushëveprimin e institucioneve të Bashkimit Evropian.

